



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ**

ք. Երևան

22.07.2019թ.

**Ո Ր Ո Շ ՈՒ Մ  
ՀՀ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ  
ՔՆՆՈՂ ԱՆՁԻ  
ԹԻՎ ՍՅ-ԼՕ-2019/97**

Նախագահությամբ՝ ՀՀ գնումների հետ կապված բողոքներ քննող անձ Լ. Օհանյանի  
Քարտուղարությամբ՝ Լ. Անանիկյանի

Մասնակցությամբ՝

Մասնակից՝ «Խաչատուրյանի Բիլդինգ Գրուպ» ՍՊԸ-ի ներկայացուցիչ՝ Ա.  
Պարանյանի

ՀՀ գնումների հետ կապված բողոքներ քննող անձը (այսուհետ՝ նաև Բողոքներ  
քննող անձ)՝ ուսումնասիրելով Հայաստանի Հանրապետության ֆինանսների  
նախարարության կողմից 21.06.2019թ. թիվ /26/10487-2019 գրությամբ «Խաչատուրյանի  
Բիլդինգ Գրուպ» ՍՊԸ-ին (այսուհետ՝ նաև Մասնակից) գնումների գործընթացին  
մասնակցելու իրավունք չունեցող մասնակիցների ցուցակում ներառելու նպատակով  
նախաձեռնված ընթացակարգով ներկայացված հիմքերը,

**Պ Ա Ր Զ Ե Ց**

## **1. ՀՀ ֆինանսների նախարարության ներկայացրած փաստերը և պահանջը.**

ՀՀ ֆինանսների նախարարությունը, Էջմիածնի համայնքապետարանի 14.06.2019թ. թիվ 23 գրության հիման վրա, 21.06.2019թ. «Խաչատուրյանի Բիլդինգ Գրուպ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնել է ընթացակարգ՝ Բողոքներ քննող անձին ներկայացնելով համապատասխան հիմքեր:

## **2. Էջմիածնի համայնքապետարանի ներկայացրած փաստերը և դիրքորոշումը.**

Էջմիածնի համայնքապետարանը 14.06.2019թ. թիվ 23 գրությամբ դիմել է ՀՀ ֆինանսների նախարարությանը՝ հայտնելով հետևյալը.

«ՀՀ Արմավիրի մարզի Էջմիածնի համայնքապետարանի «Բարեկարգում» տնօրինության կարիքների համար՝ կազմակերպված ՀՀ ԱՄԷՀ ԲՏ ԳՀԱՇՁԲ19/4 ծածկագրով գնանշման հարցման միջոցով Էջմիածին քաղաքի փողոցների և շենքերի բակերի ճանապարհային ծածկույթի ասֆալտապատման փոսային նորոգման աշխատանքների կատարման նպատակով գնման ընթացակարգի 1-ին փուլի զբաղեցնող է ճանաչվել «Խաչատուրյանի Բիլդինգ Գրուպ» ՍՊԸ-ն:

«Խաչատուրյանի Բիլդինգ Գրուպ» ՍՊԸ-ի կողմից ներկայացված որակավորման չափանիշներ հաստատող փաստաթղթերում առկա են եղել անճշտություններ: Մասնակցին ծանուցվել է սահմանված ժամկետում շտկել ներկայացված տրանսպորտային միջոցի՝ Ֆրեդ/Բեռնիշ NEW HOLLAND L 225/ վարձակալության 25 մարտի 2019թ թիվ 1/Վ/2018 պայմանագրի 1.4 կետում նշված սեփականության վկայագիրը կամ գույքը ենթավարձակալությամբ տրամադրելու իրավունքի փաստաթուղթը: Սահմանված ժամկետում «Խաչատուրյանի Բիլդինգ Գրուպ» ՍՊԸ-ն չի շտկել նշված անճշտությունները, ինչի հիման վրա հայտը մերժվել է:

Հիմք ընդունելով վերոգրյալը և առաջնորդվելով «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի ա) ենթակետով և ՀՀ կառավարության N526-Ն որոշման 45-րդ կետով՝ խնդրում ենք «Խաչատուրյանի Բիլդինգ Գրուպ» ՍՊԸ-ին թույլ տված խախտման փաստով ներառել գնումների գործընթացին մասնակցելու իրավունք չունեցող մասնակիցների ցուցակում:»:

Գրությանը կից ներկայացրել են «Խաչատուրյանի Բիլդինգ Գրուպ» ՍՊԸ-ի կողմից ներկայացված հայտերը, մրցութային հայտերի գրանցամատյանը, գնահատող հանձնաժողովի արձանագրությունները, ներկայացված որակավորման փաստաթղթերը:

**3. «Խաչատուրյանի Բիլդինգ Գրուպ» ՍՊԸ-ի ներկայացրած փաստարկները և դիրքորոշումը.**

Բողոքներ քննող անձը 22.06.2019թ.-ին գրությամբ դիմել է Մասնակցին՝ հնարավորություն տալով ՀՀ ֆինանսների նախարարության կողմից 21.06.2019թ. թիվ /26/10487-2019 գրությամբ նախաձեռնված ընթացակարգի վերաբերյալ ներկայացնել Ընկերության գրավոր կարծիքը:

«Խաչատուրյանի Բիլդինգ Գրուպ» ՍՊԸ-ն ներկայացնելով գրավոր դիրքորոշում, հայտնել է հետևյալը.

««Խաչատուրյանի Բիլդինգ Գրուպ» ՍՊԸ-ին (այսուհետ նաև՝ Ընկերություն) «Գնումների գործընթացին մասնակցելու իրավունք չունեցող մասնակիցների ցուցակում» ներառելու նպատակով ՀՀ գնումների հետ կապված բողոքներ քննող անձ Լ. Օհանյանի վարույթում նախաձեռնված թիվ ՍՑ-ԼՕ-2019/97 ընթացակարգի հիմքերի վերաբերյալ ներկայացվում են հետևյալ նկատառումները.

✓ Էջմիածնի համայնքապետարանի «Բարեկարգում» տնօրինության (այսուհետ նաև՝ Պատվիրատու) կողմից Էջմիածին քաղաքի փողոցների և շենքերի բակերի ճանապարհային ծածկույթի ասֆալտապատման փոսային նորոգման աշխատանքների ձեռքբերման նպատակով կազմակերպվել է «ՀՀ ԱՍԷՀ ԲՏ ԳՀԱՇՁԲ 19/4» ծածկագրով գնանշման հարցման ընթացակարգ (այսուհետ նաև՝ Ընթացակարգ), որին, ի թիվս այլ ընկերությունների, հայտ է ներկայացրել նաև «Խաչատուրյանի Բիլդինգ Գրուպ» ՍՊԸ-ն:

✓ Ընթացակարգի հրավերի 1-ին մասի 1-ին կետով սահմանվել է, որ գնման առարկա է հանդիսանում Էջմիածնի համայնքապետարանի «Բարեկարգում» տնօրինության կարիքների համար՝ Էջմիածին քաղաքի փողոցների և շենքերի բակերի ճանապարհային ծածկույթի ասֆալտապատման փոսային նորոգման աշխատանքների ձեռքբերումը (այսուհետ՝ նաև աշխատանք), որոնք խմբավորված են 1 չափաբաժնում՝

<b>Չափաբաժի ներքի</b>	<b>Չափաբաժնի անվանումը</b>
---------------------------	----------------------------

<b>համարները</b>	
1	<b>էջմիածին քաղաքի փողոցների և շենքերի բակերի ճանապարհային ծածկույթի ասֆալտապատման փոսային նորոգման աշխատանքներ</b>

✓ Ընթացակարգի հրավերի 1-ին մասի 2.4 կետի համաձայն՝ մասնակիցը պետք է ունենա կնքվելիք պայմանագրով նախատեսված պարտավորությունների կատարման համար պահանջվող՝

- 1) մասնագիտական փորձառություն,
- 2) տեխնիկական միջոցներ,
- 3) ֆինանսական միջոցներ,
- 4) աշխատանքային ռեսուրսներ:

✓ Ընթացակարգի հրավերի 1-ին մասի 2.5 կետի 2-րդ ենթակետի համաձայն՝ <<Տեխնիկական միջոցներ>> որակավորման չափանիշը սահմանվում և գնահատվում է հետևյալ կարգով՝

ա. կնքվելիք պայմանագրի կատարման համար պահանջվում են հետևյալ տեխնիկական միջոցները

Տեխնիկական միջոցի անվանումը	Տիպը	Պահանջվող քանակը
Կռազ		
Գրեյդեր		
Գլդոն		
Ասֆալտփոհիչ		
Տոեզ		

բ. մասնակիցը հայտով ներկայացնում է իր կողմից հաստատված հայտարարություն կնքվելիք պայմանագրի կատարման համար անհրաժեշտ տեխնիկական միջոցների առկայության մասին.

գ. եթե մասնակիցը ճանաչվում է առաջին տեղը զբաղեցրած մասնակից, ապա վերջինս սույն հրավերով սահմանված կարգով և ժամկետներում հանձնաժողովին է ներկայացնում **կնքվելիք պայմանագրի կատարման ընթացքում օգտագործման ենթակա**

**տեխնիկական միջոցների տվյալները, դրանց տեխնիկական անձնագրերի և այդ միջոցների նկարմամբ առաջին տեղը զբաղեցրած մասնակցի սեփականության կամ ժամանակավոր օգտագործման իրավունքը հաստատող փաստաթղթերի պատճենները:**  
 Տեխնիկական միջոցների վերաբերյալ տվյալները ներկայացվում են հետևյալ ձևով՝

	Տեխնիկական միջոցի անվանումը	Տեխնիկական միջոցի մակնիշը, պտտահամարանիշը, (եթե առկա է) և արտադրության տարեթիվը	Տեխնիկական միջոցի նկարմամբ իրավունքի տեսակը
--	-----------------------------	---	---

դ. մասնակցի որակավորումը այս չափանիշի գծով գնահատվում է բավարար, եթե վերջինս ապահովում է սույն ենթակետով նախատեսված պայմաններն ու պահանջները:

✓ Հրավերի 1-ին մասի 7-րդ կետի 7.12 ենթակետի 4-րդ պարբերության համաձայն՝ հանձնաժողովի քարտուղարը հայտերի բացման նիստի ավարտից հետո ոչ ուշ քան հաջորդող աշխատանքային օրը էլեկտրոնային փուստի միջոցով ծանուցում է առաջին տեղը զբաղեցրած մասնակցին, առաջարկելով ծանուցումն ուղարկելու օրվանից երեք աշխատանքային օրվա ընթացքում էլեկտրոնային փուստի միջոցով ներկայացնել որակավորման չափանիշները հիմնավորող՝ սույն հրավերի 2-րդ մասի 3-րդ բաժնով նախատեսված փաստաթղթերը:

✓ Ընթացակարգի հրավերի 2-րդ մասի 3-րդ բաժնով նախատեսված փաստաթղթերը հետևյալն են՝

ա) հայտը ներկայացնելու տարվա և դրան նախորդող երեք տարվա ընթացքում, պատշաճ ձևով իրականացրած համանման (նմանատիպ) առնվազն մեկ պայմանագրի և դրա հաշիվ ապրանքագրերի պատճենները, ինչպես նաև այդ պայմանագրի (պայմանագրերի) սահմանված ժամկետում կատարումը հավաստող ակտի (հանձման-ընդունման արձանագրություն և այլն) պատճենները կամ տվյալ պայմանագրի կատարումն ընդունած կողմի գրավոր հավաստման բնօրինակից արտատպված (սկանավորված) տարբերակը

բ) իր կողմից հաստատված այն տեխնիկական միջոցների տվյալները, որոնք մասնակիցը նախատեսում է օգտագործել պայմանագրի կատարման ժամանակ՝ համաձայն հավելված N 5.1-ի: Ընդ որում, տեխնիկական միջոցների առկայությունը հիմնավորելու համար մասնակիցը ներկայացնում է նաև դրանց տեխնիկական անձնագրերի և այդ

միջոցների նկատմամբ մասնակցի սեփականության կամ ժամանակավոր օգտագործման հրավումքը հաստատող փաստաթղթերի պատճենները<sup>1</sup>.

դ) իր կողմից հաստատված տեղեկանք՝ կնքվելիք պայմանագրի կատարման համար մասնակցի կողմից առաջարկվող հիմնական աշխատակազմի մասին՝ համաձայն հավելված N 5.2-ի: Նշված տեղեկանքին կցվում են նաև հիմնական աշխատակազմում ներգրավված մասնագետների հաստատված գրավոր համաձայնությունների բնօրինակից արտատպված (սկանավորված) տարբերակը՝ իրականացվելիք աշխատանքներում վերջիններիս ներգրավվելու մասին, ինչպես նաև **մասնագետների անձնագրերի և որակավորումը հավաստող փաստաթղթերի (դիպլոմ, վկայագիր, հավաստագիր և այլն) պատճենները:**

3.2 Հայրում ներառվող՝ դիպլոմների պատճենները, տրանսպորտային միջոցների, տեխնիկական միջոցների, սարքերի, սարքավորումների վերաբերյալ փաստաթղթերը, որոնք տրամադրվել են խորհրդային ժամանակաշրջանում կամ հետխորհրդային ժամանակաշրջանում՝ Հայաստանի Հանրապետության պետական մարմինների կողմից, կարող են կազմված լինել ռուսերեն լեզվով, եթե դրանք ՀՀ օրենսդրությամբ սահմանված կարգով ուժը կորցրած չեն ճանաչվել (համարվել):

✓ Ընթացակարգի 1-ին չափաբաժնի մասով առաջին տեղ զբաղեցրած մասնակցի՝ «Խաչատուրյանի Բիլդինգ Գրուպ» ՍՊԸ-ն, ստացել է ծանուցում որակավորման չափանիշները հիմնավորող հրավերով սահմանված փաստաթղթեր ներկայացնելու պահանջի վերաբերյալ: Որից հետո Ընկերության կողմից սահմանված ժամկետում և կարգով ներկայացվել է բոլոր անհրաժեշտ փաստաթղթերը, այդ թվում նաև 25 մարտի 2019թ. թիվ 1/Վ/2018 վարձակալության պայմանագրի պատճեն, ինչպես նաև Ֆրեզ/Քեռնիչ-NEW HOLLAND L225 տեխնիկական միջոցի վերաբերյալ թիվ 0001558 տեխնիկական վկայագիրը:

✓ Ընթացակարգի գնահատող հանձնաժողովը, 04.06.2019թ. տեղի ունեցած նիստի թիվ 2 արձանագրության.

«1.2 կետի համաձայն՝ ՀՀ կառավարության 04.05.2017թ. թիվ 526-Ն որոշմամբ հաստատված «Գնումների գործընթացի կազմակերպման» կարգի 43-րդ կետի 4-րդ ենթակետի համաձայն, առաջին տեղ զբաղեցրած մասնակցին ծանուցում էր ուղարկվել որակավորման չափանիշները հիմնավորող հրավերով սահմանված փաստաթղթերի

<sup>1</sup> Եթե «Տեխնիկական միջոցներ» որակավորման չափանիշի մասով չեն սահմանվում համապատասխան պահանջներ, ապա սույն կետը և հավելված N 5.1-ը հրավերից հանվում են:

պահանջի վերաբերյալ: Սահմանված ժամկետում և սահմանված կարգով մասնակցի կողմից ներկայացվել է որակավորման չափանիշները հավաստող փաստաթղթերը:

1.2.1 կետի համաձայն՝ կնքվելիք պայմանագրի կատարման համար տեխնիկական միջոցների մասին տեղեկանքում <<Ֆրեզ>> /Բեռնիչ-NEW HOLLAND L225,2014թ./-ի համար իրավունքի տեսակը նշվել է վարձակալություն, սակայն տրանսպորտային միջոցի վարձակալության 1/Վ/2018 պայմանագրի 1.4 կետի նշված է, որ տրանսպորտային միջոցը վարձատուին պատկանում է սեփականության իրավունքով: Սակայն չի ներկայացվել վարձատուին պատկանող Ֆրեզ/ Բեռնիչ-NEW HOLLAND L225/ սեփականության վկայագիրը: Միևնույն ժամանակ 1-ին տեղ զբաղեցրած մասնակցի կողմից նշված տեխնիկական միջոցի վերաբերյալ ներկայացվել է թիվ 0001558 տեխնիկական վկայագիրը, ըստ որի, որպես սեփականատեր նշված է «ԱԿԲԱ ԼԻՉԻՆԳ» ՓԲԸ-ն:

1.2.2 կետի համաձայն՝ բացակայում է հիմնական աշխատակազմում ներառված մասնագետների աշխատանքային փորձի ժամանակահատվածը հիմնավորող փաստաթղթերը /աշխատանքային գրքույկների պատճենները/:

2.1 կետի համաձայն՝ Ընթացակարգի գնահատող հանձնաժողովը որոշել է էլեկտրոնային եղանակով ծանուցել 1-ին տեղը զբաղեցրած մասնակցին նշված անհամապատասխանությունների վերաբերյալ:

2.2 կետի համաձայն՝ Կարգի 47-րդ կետի համաձայն որոշվել է առաջարկել մեկ աշխատանքային օրվա ընթացքում շտկել անհամապատասխանությունները և ներկայացնել վարձատուին պատկանող Ֆրեզ/ Բեռնիչ-NEW HOLLAND L225/ սեփականության վկայագիրը կամ գույքը ենթավարձակալությամբ տրամադրելու իրավունքի վերաբերյալ փաստաթուղթ, ինչպես նաև հիմնական աշխատակազմում ներառված մասնագետների աշխատանքային փորձի ժամանակահատվածը հիմնավորող փաստաթղթերը /աշխատանքային գրքույկների կրկնօրինականները/:

- Վերոհիշյալ որոշման հիման վրա «Խաչատրյանի Բիլդինգ Գրուպ» ՍՊԸ-ին գնահատող հանձնաժողովի կողմից **04.06.2019, ժամը՝ 13:08** ուղարկվել է ծանուցում (արտապատումը կցվում է)՝ առաջարկելով մեկ աշխատանքային օրվա ընթացքում շտկել անհամապատասխանությունները հրավերի պահանջների նկատմամբ:

- ✓ «Խաչատրյանի Բիլդինգ Գրուպ» ՍՊԸ-ի կողմից սահմանված ժամկետում, այն է մեկ աշխատանքային օրում, շտկվել են ներկայացված փաստաթղթերում արձանագրված անհամապատասխանությունները, մասնավորապես.

1. **05.06.2019թ. ժամը 11:58** (արտատրամը կցվում է) ներկայացվել է շտկված թիվ 5.1 Հավելվածը, որտեղ Հրավերով պահանջված <<Ֆրեզ>> տեխնիկական միջոցը ներկայացվել է որպես վարձակալության իրավունքով «Խաչատրյանի Բիլդինգ Գրուպ» ՍՊԸ-ին պատկանող գույք: Վերոհիշյալին նույն նամակով կցվել է 01.05.2019թ. <<Սահակյան Շին>> ՍՊԸ-ի և «Խաչատրյանի Բիլդինգ Գրուպ» ՍՊԸ-ի միջև կնքված տրանսպորտային միջոցի վարձակալության պայմանագիրը, որի համաձայն <<Սահակյան Շին>> ՍՊԸ-ն վարձակալությամբ «Խաչատրյանի Բիլդինգ Գրուպ» ՍՊԸ-ին հանձնել է Ֆրեզ՝ բեռնիչ- Bobcat S 850 տրանսպորտային միջոցը: Վերոհիշյալին կցվել է նաև <<Սահակյան Շին>> ՍՊԸ-ին պատկանող նշված տեխնիկական միջոցի վերաբերյալ է թիվ 0001499 տեխնիկական վկայագիրը:

2. 05.06.2019թ. ժամը 12:06 ներկայացվել է տեղեկանք կնքվելիք պայմանագրի համար առաջարկվող հիմնական աշխատակազմի մասին, որտեղ նշված մասնագետների հաստատած գրավոր համաձայնությունները՝ իրականացվելիք աշխատանքներում վերջիններիս ներգրավելու մասին, ինչպես նաև մասնագետների անձնագրերի և որակավորումը հավաստող փաստաթղթերի /դիպլոմ, վկայագիր, հավաստագիր և այլն/ պատճենները: Ներկայացվել է նաև կնքվելիք պայմանագրի համար առաջարկվող հիմնական աշխատակազմի աշխատանքային գրքույկների պատճենները:

✓ Ընթացակարգի գնահատող հանձնաժողովը, 05.06.2019թ. տեղի ունեցած նիստի թիվ 3 արձանագրության.

«1.1 կետի համաձայն՝ Ընթացակարգի գնահատող հանձնաժողովի 04.06.2019թ. թիվ 2 արձանագրությամբ 1-ին տեղ զբաղեցրած մասնակցին առաջարկվել է մեկ աշխատանքային օրվա ընթացքում շտկել է կնքվելիք պայմանագրի կատարման համար տեխնիկական միջոցների մասին տեղեկանքում առկա անհամապատասխանությունը, սակայն մասնակցի կողմից մեկ աշխատանքային օրվա **ընթացքում չեն ներկայացվել տրանսպորտային միջոցի վարձակալության 25 մարտի 2019թ. թիվ 1/Վ/2018 պայմանագրի 1.4 կետում նշված Ֆրեզ/ Բեռնիչ-NEW HOLLAND L225/ սեփականության վկայագիրը կամ գույքը ենթավարձակալությամբ տրամադրելու իրավունքի վերաբերյալ փաստաթուղթը՝ չապահովելով Կարգի 62-րդ կետով սահմանված «տեխնիկական միջոցներ» որակավորման չափանիշին ներկայացվող պահանջները:**



2-րդ կետի համաձայն՝ նույն արձանագրության 1.1 կետը՝ Ընթացակարգի գնահատող հանձնաժողովը որոշել է հիմք ընդունելով Կարգի 48-րդ կետի 2-րդ ենթակետը մերժել «Խաչատուրյանի Բիլդինգ Գրուպ» ՍՊԸ-ի հայտը:»

✓ Ընթացակարգի գնահատող հանձնաժողովը, 05.06.2019թ. տեղի ունեցած նիստի թիվ 3 արձանագրության.

«1.1 կետի համաձայն՝ Ընթացակարգի գնահատող հանձնաժողովի 04.06.2019թ. թիվ 2 արձանագրությամբ 1-ին տեղ զբաղեցրած մասնակցին առաջարկվել է մեկ աշխատանքային օրվա ընթացքում շտկել է կնքվելիք պայմանագրի կատարման համար տեխնիկական միջոցների մասին տեղեկանքում առկա անհամապատասխանությունը, սակայն մասնակցի կողմից մեկ աշխատանքային օրվա **ընթացքում չեն ներկայացվել տրանսպորտային միջոցի վարձակալության 25 մարտի 2019թ. թիվ 1/Վ/2018 պայմանագրի 1.4 կետում նշված Ֆրեզ/ Բեռնիչ-NEW HOLLAND L225/ սեփականության վկայագիրը կամ գույքը ենթավարձակալությամբ տրամադրելու իրավունքի վերաբերյալ փաստաթուղթը՝ չապահովելով Կարգի 62-րդ կետով սահմանված «տեխնիկական միջոցներ» որակավորման չափանիշին ներկայացվող պահանջները:**

2-րդ կետի համաձայն՝ նույն արձանագրության 1.1 կետը՝ Ընթացակարգի գնահատող հանձնաժողովը որոշել է հիմք ընդունելով Կարգի 48-րդ կետի 2-րդ ենթակետը մերժել «Խաչատուրյանի Բիլդինգ Գրուպ» ՍՊԸ-ի հայտը:»

✓ Ընթացակարգի գնահատող հանձնաժողովը, 05.06.2019թ. տեղի ունեցած նիստի թիվ 3 արձանագրությամբ արձանագրված փաստի հիման վրա (շտկում չկատարելու) Լ. Օհանյանի վարույթում նախաձեռնվել է ած թիվ ՍՑ-ԼՕ-2019/97 ընթացակարգը՝ «Խաչատուրյանի Բիլդինգ Գրուպ» ՍՊԸ-ին «Գնումների գործընթացին մասնակցելու իրավունք չունեցող մասնակիցների ցուցակում» ներառելու նպատակով:

✓ Ընթացակարգի գնահատող հանձնաժողովը, 05.06.2019թ. տեղի ունեցած նիստի թիվ 3 արձանագրության համաձայն՝ «Խաչատուրյանի Բիլդինգ Գրուպ» ՍՊԸ-ի կողմից ներկայացված հայտը մերժելու մասին որոշումը բողոքարկվել է ՀՀ գնումների հետ կապված բողոքներ քննող անձ Գ. Ներսիսյանի վարույթում /բողոքի ծածկագիր թիվ ԳԲՔԱ-ՆԳ-2019/39/, որի վերաբերյալ Գ. Ներսիսյանը 20.06.2019թ. կայացրել է որոշում, որով որոշել է բողոքը բավարարվել է և **պարտավորեցվել «ՀՀ ԱՄԷՀ ԲՏ ԳՀԱՇՁԲ19/4» ծածկագրով գնանշման հարցման ընթացակարգի գնահատող հանձնաժողովին՝**

**դադարեցնել «Խաչատրությանի Բիլդինգ Գրուպ» ՍՊԸ-ի հայտը մերժելու մասին որոշումը:**

Այսպիսով, Ընթացակարգի գնահատող հանձնաժողովի կողմից 05.06.2019թ. տեղի ունեցած նիստի թիվ 3 արձանագրությամբ կնքվելիք պայմանագրի համար սահմանված աշխատանքային ռեսուրսի մասով արձանագրված անհամապատասխանությունները համարվել են շտկված «Խաչատրությանի Բիլդինգ Գրուպ» ՍՊԸ-ի կողմից:

Սակայն Հրավերի տեխնիկական միջոցների մասով, մասնավորապես պահանջված <<Ֆրեզ>>-ի մասով, կատարված շտկումը ընդհանրապես չի գնահատվել գնահատող հանձնաժողովի կողմից:

Մասնավորապես, 05.06.2019թ. արձանագրությամբ արձանագրվել է, որ Ընթացակարգի գնահատող հանձնաժողովի 04.06.2019թ. թիվ 2 արձանագրությամբ 1-ին տեղ զբաղեցրած մասնակցին առաջարկվել է մեկ աշխատանքային օրվա ընթացքում շտկել կնքվելիք պայմանագրի կատարման համար տեխնիկական միջոցների մասին տեղեկանքում առկա անհամապատասխանությունը, սակայն մասնակցի կողմից մեկ աշխատանքային օրվա ընթացքում չեն ներկայացվել տրանսպորտային միջոցի վարձակալության 25 մարտի 2019թ. Թիվ 1/Վ/2018 պայմանագրի 1.4 կետում նշված Ֆրեզ/Բեռնիչ-NEW HOLLAND L225/ սեփականության վկայագիրը կամ գույքը ենթավարձակալությամբ տրամադրելու իրավունքի վերաբերյալ փաստաթուղթը՝ **չապահովելով Կարգի 62-րդ կետով սահմանված «տեխնիկական միջոցներ» որակավորման չափանիշին ներկայացվող պահանջները:**

**Այսպիսով արձանագրվել է, որ «Խաչատրությանի Բիլդինգ Գրուպ» ՍՊԸ-ն չի համապատասխանում «Տեխնիկական միջոցներ» որակավորման չափանիշին ներկայացվող պահանջներին՝ <<Ֆրեզ>> տեխնիկական միջոցի մասով:**

Մինչդեռ, ինչպես արդեն նշվել է՝ Ընթացակարգի Հրավերով «Տեխնիկական միջոցներ» որակավորման չափանիշի մասով սահմանված է եղել հետևյալ պահանջ, այն է՝ տեխնիկական միջոցների վերաբերյալ տվյալները ներկայացվում են հետևյալ ձևով՝

	Տեխնիկական միջոցի անվանումը	Տեխնիկական միջոցի մակնիշը, պերիամետրանիշը, (եթե առկա է) և արտադրության	Տեխնիկական միջոցի նկարմամբ իրավունքի տեսակը
--	-----------------------------	--	---

		տարեթիվը	
--	--	----------	--

Ընթացակարգի հրավերի 2-րդ մասի 3-րդ բաժնով նախատեսված փաստաթղթերը հետևյալն են՝ իր կողմից հաստատված այն տեխնիկական միջոցների տվյալները, որոնք մասնակիցը նախատեսում է օգտագործել պայմանագրի կատարման ժամանակ՝ համաձայն հավելված N 5.1-ի: Ընդ որում, տեխնիկական միջոցները առկայությունը հիմնավորելու համար մասնակիցը ներկայացնում է նաև դրանց տեխնիկական անձնագրերի և այդ միջոցների նկատմամբ մասնակցի սեփականության կամ ժամանակավոր օգտագործման իրավունքը հաստատող փաստաթղթերի պատճենները:

Շտկում կատարելու փուլում սահմանված ժամկետում, այն է՝ 05.06.2019թ. ժամը 11:58, Ընկերությունը ներկայացվել է շրկված թիվ 5.1 Հավելվածը, որտեղ Հրավերով պահանջված <<Ֆրեզ>> տեխնիկական միջոցը ներկայացվել է որպես վարձակալության իրավունքով «Խաչատուրյանի Բիլդինգ Գրուպ» ՍՊԸ-ին պատկանող գույք: Վերոհիշյալին նույն նամակով կցվել է 01.05.2019թ. <<Սահակյան Շին>> ՍՊԸ-ի և «Խաչատուրյանի Բիլդինգ Գրուպ» ՍՊԸ-ի միջև կնքված տրանսպորտային միջոցի վարձակալության պայմանագիրը, որի համաձայն <<Սահակյան Շին>> ՍՊԸ-ն վարձակալությամբ «Խաչատուրյանի Բիլդինգ Գրուպ» ՍՊԸ-ին հանձնել է Bobcat S 850 տրանսպորտային միջոցը: Վերոհիշյալին կցվել է նաև <<Սահակյան Շին>> ՍՊԸ-ին պատկանող նշված տեխնիկական միջոցի վերաբերյալ է թիվ 0001499 տեխնիկական վկայագիրը:

Նշված փաստաթղթերի ուսումնասիրությունը հստակ ապացուցում է, որ «Խաչատուրյանի Բիլդինգ Գրուպ» ՍՊԸ-ի կողմից այս փուլում ներկայացվել են <<Ֆրեզ>> տեխնիկական միջոցի մասով Հրավերով սահմանված բոլոր փաստաթղթերը, սակայն դրանք ընդհանրապես չեն գնահատվել գնահատող հանձնաժողովի կողմից, արձանագրությամբ նման փաստաթղթեր ներկայացնելու և դրանք մերժելու մասին ընդհանրապես որևէ խոսք անգամ բացակայում է, և նման փաստաթղթեր ներկայացնելու պայմաններում Ընթացակարգի գնահատող հանձնաժողովը կամայականորեն որոշել է, որ «Խաչատուրյանի Բիլդինգ Գրուպ» ՍՊԸ-ն չի համապատասխանում Կարգի 62-րդ կետով սահմանված «տեխնիկական միջոցներ» որակավորման չափանիշին ներկայացվող պահանջներին՝ այդ հիմքով ոչ իրավաչափ մերժելով Ընկերության հայտը և նախապատվություն տալով ավելի թանկ գնային առաջարկ ներկայացրած մեկ այլ մասնակցին:

ՀՀ գնումների հետ կապված բողոքներ քննող անձ Լ. Օհանյանի ուշադրությունն ենք հրավիրում այն հանգամանքի վրա, որ Ընթացակարգի գնահատող հանձնաժողովը, 05.06.2019թ. տեղի ունեցած նիստի թիվ 3 արձանագրության համաձայն՝ «Խաչատուրյանի Բիլդինգ Գրուպ» ՍՊԸ-ի կողմից ներկայացված հայտը մերժելու մասին որոշումը բողոքարկվել է ՀՀ գնումների հետ կապված բողոքներ քննող անձ Գ. Ներսիսյանի վարույթում /բողոքի ծածկագիր թիվ ԳԲՔԱ-ՆԳ-2019/39/, որի վերաբերյալ Գ. Ներսիսյանը 20.06.2019թ. կայացրել է որոշում, որով որոշել է բողոքը բավարարվել է և պարտավորեցվել է **«ՀՀ ԱՄԷՀ ԲՏ ԳՀԱՇՁԲ19/4» ծածկագրով գնանշման հարցման ընթացակարգի գնահատող հանձնաժողովին՝ դադարեցնել «Խաչատուրյանի Բիլդինգ Գրուպ» ՍՊԸ-ի հայտը մերժելու մասին որոշումը**, իսկ «ՀՀ ԱՄԷՀ ԲՏ ԳՀԱՇՁԲ19/4» ծածկագրով գնանշման հարցման ընթացակարգի գնահատող հանձնաժողովին՝ «Խաչատուրյանի Բիլդինգ Գրուպ» ՍՊԸ-ին ընտրված (հաղթող) մասնակից ճանաչելուն պարտավորեցնելու պահանջի մասով բողոքը մերժել:

Հայտնում ենք, որ թիվ ՍՑ-ԼՕ-2019/97 ընթացակարգը նախաձեռնվել է «ՀՀ ԱՄԷՀ ԲՏ ԳՀԱՇՁԲ19/4» ծածկագրով գնանշման հարցման ընթացակարգի գնահատող հանձնաժողովի 05.06.2019թ. տեղի ունեցած նիստի թիվ 3 արձանագրության համաձայն՝ «Խաչատուրյանի Բիլդինգ Գրուպ» ՍՊԸ-ի կողմից ներկայացված հայտը մերժելու մասով, մինչդեռ Ընթացակարգի գնահատող հանձնաժողովի վերոնշված որոշումը վիճարկվել է ՀՀ գնումների հետ կապված բողոքներ քննող անձ Գ. Ներսիսյանի վարույթում նախաձեռնված բողոքով, որին տրվել է թիվ ԳԲՔԱ-ՆԳ-2019/39 ծածկագիրը և որի վերաբերյալ 20.06.2019թ. կայացվել է որոշում՝ որով **Գ. Ներսիսյանը որոշել է պարտավորեցնել «ՀՀ ԱՄԷՀ ԲՏ ԳՀԱՇՁԲ19/4» ծածկագրով գնանշման հարցման ընթացակարգի գնահատող հանձնաժողովին՝ դադարեցնելու «Խաչատուրյանի Բիլդինգ Գրուպ» ՍՊԸ-ի հայտը մերժելու մասին որոշումը:**

Այլ կերպ ասած, արդեն իսկ բացակայում է, դադարել է այդ հիմքով «ՀՀ ԱՄԷՀ ԲՏ ԳՀԱՇՁԲ19/4» ծածկագրով գնանշման հարցման ընթացակարգի գնահատող հանձնաժողովին՝ դադարեցնելու «Խաչատուրյանի Բիլդինգ Գրուպ» ՍՊԸ-ի հայտը մերժելու մասին որոշումը:»:

Ելնելով վերոգրյալից՝ Բողոքներ քննող անձին խնդրել են «Խաչատուրյանի Բիլդինգ Գրուպ» ՍՊԸ-ին չվերագրել «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «ա» ենթակետով նախատեսված պայմանագրով ստանձնած որևէ

պարտավորության խախտում, և վերջինիսի չներառել «Գնումների գործընթացին մասնակցելու իրավունք չունեցող մասնակիցների ցուցակում»:

**4. ՍՑ-LO-2019/97 ընթացակարգի քննության համար էական նշանակություն ունեցող փաստերը.**

Սույն գործի փաստերի համաձայն՝

ՀՀ Արմավիրի մարզի էջմիածնի համայնքապետարանի (այսուհետ՝ Պատվիրատու) կողմից «Բարեկարգում» տնօրինության կարիքների համար էջմիածին քաղաքի փողոցների և շենքերի բակերի ճանապարհային ծածկույթի ասֆալտապատման փոսային նորոգման աշխատանքների ձեռքբերման նպատակով հայտարարվել է «ՀՀ ԱՄԷՀ ԲՏ ԳՀԱՇՁԲ19/4» ծածկագրով գնման ընթացակարգ (այսուհետև՝ Ընթացակարգ):

Ընթացակարգին մասնակցելու նպատակով, ի թիվս այլ կազմակերպությունների հայտ է ներկայացրել նաև «Խաչատուրյանի Բիլդինգ Գրուպ» ՍՊԸ-ին:

Ընթացակարգի գնահատող հանձնաժողովի (այսուհետև՝ նաև Հանձնաժողով) 27.05.2019թ.-ին կայացած նիստի թիվ 1 արձանագրության համաձայն՝ ընթացակարգի 1-ին չափաբաժնի մասով «Խաչատուրյանի Բիլդինգ Գրուպ» ՍՊԸ-ն ճանաչվել է առաջին տեղ զբաղեցրած մասնակից:

Նույն արձանագրության համաձայն՝ հանձնաժողովը ժամանակ որոշել է, ՀՀ Կառավարության 04.05.2017թ. N 526-Ն որոշմամբ հաստատված «Գնումների գործընթացի կազմակերպման մասին» կարգի 43-րդ կետի 3-րդ ենթակետի հիման վրա, մասնակցի տվյալների ճշտման մասին հարցում կատարել ՀՀ կառավարությանն առընթեր պետական եկամուտների կոմիտե, ինչպես նաև նույն կարգի 43-րդ կետի 4-րդ ենթակետի համաձայն ծանուցում ուղարկել առաջին տեղ զբաղեցրած մասնակցին՝ առաջարկելով ծանուցումն ուղարկելու օրվանից երեք աշխատանքային օրվա ընթացքում էլեկտրոնային փոստի միջոցով ներկայացնելու որակավորման չափանիշները հիմնավորող՝ հրավերով նախատեսված փաստաթղթերը:

Ընթացակարգի գնահատող հանձնաժողովի 04.06.2019թ.-ին կայացած նիստի թիվ 2 արձանագրության համաձայն՝ առաջին տեղ զբաղեցրած մասնակցին ծանուցում էր ուղարկվել որակավորման չափանիշները հիմնավորող հրավերով սահմանված փաստաթղթերի պահանջի վերաբերյալ: Սահմանված ժամկետում և սահմանված կարգով

մասնակցի կողմից ներկայացվել է որակավորման չափանիշները հաստատող փաստաթղթերը:

Հանձնաժողովը արձանագրել է, որ կնքվելիք պայմանագրի կատարման համար տեխնիկական միջոցների մասին տեղեկանքում Ֆրեզ /Բեռնիչ-NEW HOLLAND L 225,2014թ./-ի համար իրավունքի տեսակը նշվել է վարձակալություն, սակայն տրանսպորտային միջոցի վարձակալության 1/Վ/2018 պայմանագրի 1.4 կետի նշված է, որ տրանսպորտային միջոցը վարձատուին պատկանում է սեփականության իրավունքով: Սակայն չի ներկայացվել վարձատուին պատկանող Ֆրեզ/Բեռնիչ NEW HOLLAND L 225 /սեփականության վկայագիրը: Միևնույն ժամանակ առաջին տեղ զբաղեցրած մասնակցի կողմից նշված տեխնիկական միջոցի վերաբերյալ ներկայացվել է թիվ 0001558 տեխնիկական վկայագիրը, ըստ որի, որպես սեփականատեր նշված է «ԱԿԲԱ ԼԻՉԻՆԳ» ՓԲԸ-ն:

Ինչպես նաև բացակայում է հիմնական աշխատակազմում ներառված մասնագետների աշխատանքային փորձի ժամանակահատվածը հիմնավորող փաստաթղթերը/աշխատանքային գրքույկների պատճենները/:

Ընթացակարգի գնահատող հանձնաժողովի 04.06.2019թ.-ին կայացած նիստի թիվ 2 արձանագրությամբ կայացված որոշման 2-րդ կետի համաձայն՝ Հանձնաժողովը որոշել է Մասնակցին առաջարկել մեկ աշխատանքային օրվա ընթացքում շտկել անհամապատասխանությունները ն ներկայացնել վարձատուին պատկանող Ֆրեզ /Բեռնիչ NEW HOLLAND L 225/ սեփականության վկայագիրը կամ գույքը ենթավարձակալությամբ տրամադրելու իրավունքի վերաբերյալ փաստաթուղթ, ինչպես նաև հիմնական աշխատակազմում ներառված մասնագետների աշխատանքային փորձի ժամանակահատվածը հիմնավորող փաստաթղթերը /աշխատանքային գրքույկ և կրկնօրինակները/:

Ընթացակարգի գնահատող հանձնաժողովի 05.06.2019թ.-ին կայացած նիստի թիվ 3 արձանագրության համաձայն՝ մասնակցի կողմից մեկ աշխատանքային օրվա ընթացքում չեն շտկվել արձանագրված անհամապատասխանությունները՝ չապահովելով ՀՀ կառավարության 04.05.2017թ. թիվ 526-Ն որոշման 62-րդ կետով սահմանված «Տեխնիկական միջոցներ» որակավորման չափանիշին ներկայացվող պահանջները:

Հանձնաժողովի 05.06.2019թ.-ին կայացած նիստի թիվ 3 արձանագրությամբ կայացված որոշման 2-րդ կետի համաձայն՝ հիմք ընդունելով թիվ 3 արձանագրության 1.1

կետը, գնահատող հանձնաժողովը որոշել է մերժել «Խաչատուրյանի Բիլդինգ Գրուպ» ՍՊԸ-ի հայտը և 2-րդ տեղ զբաղեցնող «ԱՎԱ-2000» ՍՊԸ-ին առաջարկել ծանուցումն ուղարկելու օրվանից երեք աշխատանքային օրվա ընթացքում էլեկտրոնային փոստի միջոցով ներկայացնել որակավորման չափանիշները հիմնավորող՝ հրավերով նախատեսված փաստաթղթերը:

Գործում առակ նյութերի համաձայն՝ «Խաչատուրյանի Բիլդինգ Գրուպ» ՍՊԸ-ի կողմից սահմանված ժամկետում, այն է մեկ աշխատանքային օրում, շտկվել են ներկայացված փաստաթղթերում արձանագրված անհամապատասխանությունները, մասնավորապես.

1. 05.06.2019թ. ժամը 11:58-ին ներկայացվել է շտկված թիվ 5.1 Հավելվածը, որտեղ Հրավերով պահանջված «Ֆրեզ» տեխնիկական միջոցը ներկայացվել է որպես վարձակալության իրավունքով «Խաչատուրյանի Բիլդինգ Գրուպ» ՍՊԸ-ին պատկանող գույք: Վերոհիշյալին նույն նամակով կցվել է 01.05.2019թ. «Սահակյան Շին» ՍՊԸ-ի և «Խաչատուրյանի Բիլդինգ Գրուպ» ՍՊԸ-ի միջև կնքված տրանսպորտային միջոցի վարձակալության պայմանագիրը, որի համաձայն «Սահակյան Շին» ՍՊԸ-ն վարձակալությամբ «Խաչատուրյանի Բիլդինգ Գրուպ» ՍՊԸ-ին հանձնել է Ֆրեզ՝ բեռնիչ-Bobcat S 850 տրանսպորտային միջոցը: Վերոհիշյալին կցվել է նաև «Սահակյան Շին» ՍՊԸ-ին պատկանող նշված տեխնիկական միջոցի վերաբերյալ է թիվ 0001499 տեխնիկական վկայագիրը:

2. 05.06.2019թ. ժամը 12:06-ին ներկայացվել է տեղեկանք կնքվելիք պայմանագրի համար առաջարկվող հիմնական աշխատակազմի մասին, որտեղ նշված մասնագետների հաստատած գրավոր համաձայնությունները՝ իրականացվելիք աշխատանքներում վերջիններիս ներգրավելու մասին, ինչպես նաև մասնագետների անձնագրերի և որակավորումը հավաստող փաստաթղթերի /դիպլոմ, վկայագիր, հավաստագիր և այլն/ պատճենները: Ներկայացվել է նաև կնքվելիք պայմանագրի համար առաջարկվող հիմնական աշխատակազմի աշխատանքային գրքույկների պատճենները:

## **5. Բողոքներ քննող անձի հիմնավորումները և եզրահանգումը.**

Բողոքներ քննող անձը լրիվ, օբյեկտիվ և բազմակողմանի հետազոտելով և գնահատելով սույն գործում առկա ապացույցները, և համադրելով դրանք գործով պարզված

փաստական հանգամանքների հետ, հանգում է այն եզրակացության, որ ՀՀ ֆինանսների նախարարության 21.06.2019թ. թիվ /26/10487-2019 գրությամբ «Խաչատուրյանի Բիլդինգ Գրուպ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգը ենթակա է մերժման, հետևյալ պատճառաբանությամբ.

Այսպես՝

«Գնումների մասին» ՀՀ օրենքի (այսուհետ նաև՝ Օրենք) 6-րդ հոդվածի 1-ին մասի 6-րդ կետի «ա» ենթակետի համաձայն՝ .... մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը:

Նույն հոդվածի 2-րդ մասի համաձայն՝ գնումների գործընթացին մասնակցելու իրավունքից զրկված մասնակցի վերաբերյալ ունեցած տեղեկությունների հիման վրա լիազորված մարմինը ընթացակարգ է նախաձեռնում: Տվյալ մասնակցի կարծիքը լսելուց հետո գնումների հետ կապված բողոքներ քննող անձը նույն օրենքի 50-րդ հոդվածի 6-րդ մասով սահմանված ժամկետում որոշում է կայացնում մասնակցին նույն հոդվածով նախատեսված ցուցակում ընդգրկելու վերաբերյալ: Անձը նշված ցուցակում ընդգրկվում է երկու տարի ժամկետով:

ՀՀ կառավարության 04.05.2017թ. N 526-Ն որոշմամբ հաստատված «Գնումների գործընթացի կազմակերպման» կարգի՝ 43-րդ կետի 4-րդ ենթակետի համաձայն՝ հայտերի բացման նիստի ավարտից հետո ոչ ուշ քան հաջորդող աշխատանքային օրը հանձնաժողովի քարտուղարը էլեկտրոնային փոստի միջոցով ծանուցում է առաջին տեղն զբաղեցրած մասնակցին՝ առաջարկելով ծանուցումն ուղարկելու օրվանից երեք աշխատանքային օրվա ընթացքում էլեկտրոնային փոստի միջոցով ներկայացնել որակավորման չափանիշները հիմնավորող՝ հրավերով նախատեսված փաստաթղթերը, բացառությամբ սույն կարգով նախատեսված դեպքերի, ապրանքների գնման դեպքում նաև սույն կարգի 32-րդ կետի 1-ին ենթակետի «զ» պարբերությամբ նախատեսված փաստաթուղթը, իսկ բանկային երաշխիքի ձևով ներկայացված հայտի ապահովման բնօրինակը՝ կից գրությամբ: Սույն մասով սահմանված ժամկետում փաստաթղթեր



ընդհանրապես չներկայացվելու դեպքում հանձնաժողովը հայտերի գնահատման նիստում մերժում է առաջին տեղն զբաղեցրած մասնակցի հայտը և փաստաթղթեր ներկայացնելու պահանջ է ներկայացնում հաջորդաբար տեղ զբաղեցրած մասնակցին:

ՀՀ կառավարության 06.04.2017թ. N 386-Ն որոշմամբ հաստատված «Էլեկտրոնային ձևով գնումների կարգը հաստատելու» կարգի՝ 16-րդ կետի համաձայն հրավերով նախատեսվում է, որ՝

1) բացառությամբ օրենքի 23-րդ հոդվածի 1-ին մասի 2-րդ կետով նախատեսված ընթացակարգով գնումների կատարման դեպքի, գնահատող հանձնաժողովի քարտուղարը՝ առաջին և հաջորդաբար տեղեր զբաղեցրած մասնակիցներին որոշելու օրվանից հաշված մեկ աշխատանքային օրվա ընթացքում համակարգի միջոցով առաջին տեղը զբաղեցրած մասնակցի էլեկտրոնային փոստին ուղարկում է ծանուցում՝ որակավորումը հավաստող փաստաթղթերը ներկայացնելու մասին.

2) առաջին տեղը զբաղեցրած մասնակիցը պահանջվող փաստաթղթերը հրավերով սահմանված ժամկետում ուղարկում է հրավերում նշված գնահատող հանձնաժողովի քարտուղարի էլեկտրոնային փոստին: Քարտուղարը պարտավոր է մասնակցի որակավորման չափանիշները հիմնավորող փաստաթղթերն ստանալու օրը հաստատել դրանց ստանալու հանգամանքը՝ հրավերում նշված իր էլեկտրոնային փոստից մասնակցի էլեկտրոնային փոստին հավաստում ուղարկելու միջոցով:

Սույն գործի փաստերի հիման վրա Բողոքներ քննող անձն արձանագրում է, որ.

ՀՀ Արմավիրի մարզի էջմիածնի համայնքապետարանի կողմից «Բարեկարգում» տնօրինության կարիքների համար էջմիածին քաղաքի փողոցների և շենքերի բակերի ճանապարհային ծածկույթի ասֆալտապատման փոսային նորոգման աշխատանքների ձեռքբերման նպատակով հայտարարված «ՀՀ ԱՄԷՀ ԲՏ ԳՀԱՇՁԲ19/4» ծածկագրով գնման ընթացակարգի 1-ին չափաբաժնի մասով «Խաչատուրյանի Բիլդինգ Գրուպ» ՍՊԸ-ն ճանաչվել է առաջին տեղ զբաղեցրած մասնակից:

Նույն արձանագրության համաձայն՝ հանձնաժողովը որոշել է, ՀՀ կառավարության 04.05.2017թ. N 526-Ն որոշմամբ հաստատված «Գնումների գործընթացի կազմակերպման մասին» կարգի 43-րդ կետի 3-րդ ենթակետի հիման վրա, մասնակցի տվյալների ճշտման մասին հարցում կատարել ՀՀ կառավարությանն առընթեր պետական եկամուտների կոմիտե, ինչպես նաև նույն կարգի 43-րդ կետի 4-րդ ենթակետի համաձայն ծանուցում ուղարկել առաջին տեղ զբաղեցրած մասնակցին՝ առաջարկելով ծանուցումն ուղարկելու

օրվանից երեք աշխատանքային օրվա ընթացքում էլեկտրոնային փոստի միջոցով ներկայացնելու որակավորման չափանիշները հիմնավորող՝ հրավերով նախատեսված փաստաթղթերը:

Ընթացակարգի գնահատող հանձնաժողովի 04.06.2019թ.-ին կայացած նիստի թիվ 2 արձանագրության համաձայն՝ առաջին տեղ զբաղեցրած մասնակցին ծանուցում էր ուղարկվել որակավորման չափանիշները հիմնավորող հրավերով սահմանված փաստաթղթերի պահանջի վերաբերյալ: Սահմանված ժամկետում և սահմանված կարգով մասնակցի կողմից ներկայացվել է որակավորման չափանիշները հաստատող փաստաթղթերը:

Հանձնաժողովը արձանագրել է, որ կնքվելիք պայմանագրի կատարման համար տեխնիկական միջոցների մասին տեղեկանքում Ֆրեզ /Բեռնիչ-NEW HOLLAND L 225,2014թ./-ի համար իրավունքի տեսակը նշվել է վարձակալություն, սակայն տրանսպորտային միջոցի վարձակալության 1/Վ/2018 պայմանագրի 1.4 կետում նշված է, որ տրանսպորտային միջոցը վարձատուին պատկանում է սեփականության իրավունքով: Սակայն չի ներկայացվել վարձատուին պատկանող Ֆրեզ/Բեռնիչ NEW HOLLAND L 225 /սեփականության վկայագիրը: Միևնույն ժամանակ առաջին տեղ զբաղեցրած մասնակցի կողմից նշված տեխնիկական միջոցի վերաբերյալ ներկայացվել է թիվ 0001558 տեխնիկական վկայագիրը, ըստ որի, որպես սեփականատեր նշված է «ԱԿԲԱ ԼԻԶԻՆԳ» ՓԲԸ-ն:

Ինչպես նաև բացակայում է հիմնական աշխատակազմում ներառված մասնագետների աշխատանքային փորձի ժամանակահատվածը հիմնավորող փաստաթղթերը /աշխատանքային գրքույկների պատճենները/:

Ընթացակարգի գնահատող հանձնաժողովի 04.06.2019թ.-ին կայացած նիստի թիվ 2 արձանագրությամբ կայացված որոշման 2-րդ կետի համաձայն՝ Հանձնաժողովը որոշել է Մասնակցին առաջարկել մեկ աշխատանքային օրվա ընթացքում շտկել անհամապատասխանությունները և ներկայացնել վարձատուին պատկանող Ֆրեզ /Բեռնիչ NEW HOLLAND L 225/ սեփականության վկայագիրը կամ գույքը ենթավարձակալությամբ տրամադրելու իրավունքի վերաբերյալ փաստաթուղթ, ինչպես նաև հիմնական աշխատակազմում ներառված մասնագետների աշխատանքային փորձի ժամանակահատվածը հիմնավորող փաստաթղթերը /աշխատանքային գրքույկ և կրկնօրինակները/:

Ընթացակարգի գնահատող հանձնաժողովի 05.06.2019թ.-ին կայացած նիստի թիվ 3 արձանագրության համաձայն՝ մասնակցի կողմից մեկ աշխատանքային օրվա ընթացքում չեն շտկվել արձանագրված անհամապատասխանությունները՝ չապահովելով ՀՀ կառավարության 04.05.2017թ. թիվ 526-Ն որոշման 62-րդ կետով սահմանված «Տեխնիկական միջոցներ» որակավորման չափանիշին ներկայացվող պահանջները:

Հանձնաժողովի 05.06.2019թ.-ին կայացած նիստի թիվ 3 արձանագրությամբ կայացված որոշման 2-րդ կետի համաձայն՝ հիմք ընդունելով թիվ 3 արձանագրության 1.1 կետը, գնահատող հանձնաժողովը որոշել է մերժել «Խաչատուրյանի Բիլդինգ Գրուպ» ՍՊԸ-ի հայտը և 2-րդ տեղ զբաղեցնող «ԱՎԱ-2000» ՍՊԸ-ին առաջարկել ծանուցումն ուղարկելու օրվանից երեք աշխատանքային օրվա ընթացքում էլեկտրոնային փոստի միջոցով ներկայացնել որակավորման չափանիշները հիմնավորող՝ հրավերով նախատեսված փաստաթղթերը:

Գործում առակ նյութերի համաձայն՝ «Խաչատուրյանի Բիլդինգ Գրուպ» ՍՊԸ-ի կողմից սահմանված ժամկետում, այն է մեկ աշխատանքային օրում, շտկվել են ներկայացված փաստաթղթերում արձանագրված անհամապատասխանությունները, մասնավորապես.

1. 05.06.2019թ. ժամը 11:58-ին ներկայացվել է շտկված թիվ 5.1 Հավելվածը, որտեղ Հրավերով պահանջված «Ֆրեզ» տեխնիկական միջոցը ներկայացվել է որպես վարձակալության իրավունքով «Խաչատուրյանի Բիլդինգ Գրուպ» ՍՊԸ-ին պատկանող գույք: Վերոհիշյալին նույն նամակով կցվել է 01.05.2019թ. «Սահակյան Շին» ՍՊԸ-ի և «Խաչատուրյանի Բիլդինգ Գրուպ» ՍՊԸ-ի միջև կնքված տրանսպորտային միջոցի վարձակալության պայմանագիրը, որի համաձայն «Սահակյան Շին» ՍՊԸ-ն վարձակալությամբ «Խաչատուրյանի Բիլդինգ Գրուպ» ՍՊԸ-ին հանձնել է Ֆրեզ՝ բեռնիչ-Bobcat S 850 տրանսպորտային միջոցը: Վերոհիշյալին կցվել է նաև «Սահակյան Շին» ՍՊԸ-ին պատկանող նշված տեխնիկական միջոցի վերաբերյալ է թիվ 0001499 տեխնիկական վկայագիրը:

2. 05.06.2019թ. ժամը 12:06-ին ներկայացվել է տեղեկանք կնքվելիք պայմանագրի համար առաջարկվող հիմնական աշխատակազմի մասին, որտեղ նշված մասնագետների հաստատած գրավոր համաձայնությունները՝ իրականացվելիք աշխատանքներում վերջիններիս ներգրավելու մասին, ինչպես նաև մասնագետների անձնագրերի և որակավորումը հավաստող փաստաթղթերի /դիպլոմ, վկայագիր,

հավաստագիր և այլն/ պատճենները: Ներկայացվել է նաև կնքվելիք պայմանագրի համար առաջարկվող հիմնական աշխատակազմի աշխատանքային գրքույկների պատճենները:

Տվյալ դեպքում մեջբերված հոդվածների դրույթների՝ գործի փաստերի հետ համադրման արդյունքում պարզ է դառնում, որ «Խաչատուրյանի Բիլդինգ Գրուպ» ՍՊԸ-ն կատարել է ՀՀ կառավարության 04.05.2017թ. թիվ 526-Ն որոշմամբ հաստատված «Գնումների գործընթացի կազմակերպման» կարգի 43-րդ կետի 4-րդ ենթակետով իր վրա դրված պարտավորությունը, այն է՝ քարտուղարի `ringnum@mail.ru` էլեկտրոնային փոստի հասցեից 04.06.2019թ.-ին ստանալով վերը նշված կարգի կետին համապատասխան ծանուցում, հրավերով սահմանված կարգով և ժամկետում՝ 05.06.2019թ.-ին /1 աշխատանքային օրվա ընթացքում/ Ընթացակարգի քարտուղարի էլեկտրոնային հասցեին է ուղարկել որակավորման փաստաթղթերը:

Այսպիսով, վերոհիշյալ փաստական հանգամանքների և իրավական նորմերի լույսի ներքո, դրանց համակարգված վերլուծության արդյունքում Բողոքներ քննող անձը հանգում է այն եզրակացության, որ տվյալ դեպքում առկա է «Խաչատուրյանի Բիլդինգ Գրուպ» ՍՊԸ-ի կողմից համապատասխան փաստաթղթերը քարտուղարի համապատասխան էլեկտրոնային փոստի հասցեին ուղարկելու ապացույցը, որպիսի պայմաններում այդ հանգամանքը չի կարող համարվել որպես գնման գործընթացի շրջանակում ստանձնած պարտավորության խախտում, որը նախատեսված է Օրենքի 6-րդ հոդվածի 1-ին մասի 6-րդ կետի «ա» ենթակետով: Ուստի «Խաչատուրյանի Բիլդինգ Գրուպ» ՍՊԸ-ն չի խախտել գնման գործընթացի շրջանակում ստանձնած պարտավորությունը:

Ինչպես նաև, սույն գործի փաստերի հիման վրա, Բողոքներ քննող անձը հարկ է համարում արձանագրել, որ Հանձանժողովի 05.06.2019թ.-ին կայացած նիստ թիվ 3 արձանագրության համաձայն՝ Մասնակցի հայտը մերժվել է, արձանագրված անհամապատասխանությունները չշտկելու պատճառաբանությամբ, այն դեպքում երբ «Խաչատուրյանի Բիլդինգ Գրուպ» ՍՊԸ-ի որակավորման չափանիշները հիմնավորող փաստաթղթերում արձանագրված անհամապատասխանությունները շտկելու համար տրամադրվել է 1 (մեկ) աշխատանքային օրյա ժամկետ, որի վերաբերյալ ծանուցումն ուղարկվել է 04.06.2019թ.-ին ժամը 13:08 րոպեին, իսկ Մասնակցի կողմից շտկումը ներկայացվել է 05.06.2019թ.-ին ժամը՝ 11:58 րոպեին (սահմանված ժամկետում):

Այսպիսով, վերոնշյալներով պայմանավորված, Բողոքներ քննող անձը փաստում է, որ Հանձանժողովը, տրամադրելով մեկ օրյա ժամկետ, չսպասելով այդ ժամկետի

ավարտին, արձանագրել է, որ մասնակիցը չի ներկայացրել շտկման ենթակա փաստաթղթերը, դրանով իսկ խախտելով Մասնակցի՝ Օրենքով ու Կարգով վերապահված իրավունքները:

Ելնելով վերոգրյալից՝ ՀՀ գնումների հետ կապված բողոքներ քննող անձը

### **Ո Ր Ո Շ Ե Ց**

ՀՀ ֆինանսների նախարարության կողմից 21.06.2019թ. թիվ /26/10487-2019 գրությամբ «Խաչատուրյանի Բիլդինգ Գրուպ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգը մերժել:

ՀՀ գնումների հետ կապված բողոքներ քննող անձի ընդունած որոշումն ուժի մեջ է մտնում այն տեղեկագրում հրապարակելուն հաջորդող օրը:

ՀՀ գնումների հետ կապված բողոքներ քննող անձի ընդունած որոշումն իրավապարտադիր է, որը կարող է փոփոխվել կամ վերացվել, այդ թվում՝ մասնակի, միայն դատարանի կողմից:

**ՀՀ գնումների հետ կապված  
բողոքներ քննող անձ՝**



**ԼԵՎՈՆ ՕՇԱՆՅԱՆ**